

27.04.2023.



Upravni odbor Udruženja poslodavaca BPK Goražde održao je 27.04.2023.godine 8.redovnu sjednicu, na kojoj se našlo 15 tačaka dnevnog reda.

Upravni odbor je nakon usvajanja Zapisnika sa predhodne sjednice razmatrao realizaciju odluka i zaključaka sa predhodne sjednice Upravnog odbora.


Razmatrana je i informacija o aktivnostima između dvije sjednice Upravnog odbora.

U nastavku sjednice Upravni odbor je utvrdio datum i dnevni red održavanja skupštine Udruženja poslodavaca BPK Goražde, te je tako 11.05.2023.godine određen kao datum za održavanje 17.izvještajne skupštine.

Nakon utvrđenog dnevnog reda, Upravni odbor je utvrdio i dokumente koje će razmatrati i usvajati Skupština Udruženja poslodavaca BPK Goražde.

Između ostalog, utvrđeni su Izvještaji o radu za 2022.godinu, Program rada za 2023 i Finansijski plan za 2023.godinu.

U programu radu je predviđeno da se nastavi sa aktivnostima edukacija, ažuriranje registra propisa, organizovanje okruglih stolova, pokretanje inicijativa za izmjenu zakona, te drugim aktivnostima koje bi za cilj imale poboljšanje poslovnog ambijenta.



Upravni odbor je primio k znaju informaciju o evidenciji prijavljene radne snage iz radnog odnosa na evidenciju Službe za zapošljavanje i zaposlene sa evidencije za period novembar 2022-mart 2023.godine, te konstatovano je da je 28 osoba više prijavljeno na evidenciju Službe za zapošljavanje BPK Goražde iz radnog odnosa nego što je zaposleno sa evidencije Službe u radni odnos.

Upravni odbor je pokrenuo inicijativu za izmjenu zakona o šumama BPK Goražde, na način da se ukida parafiskalni namet „općekorisne funkcije šuma“, čime bi se privredni subjekti rasteretili ovog nameta.

Inicijativa će biti upućena Ministarstvu za privredu BPK Goražde, od kojeg se očekuje da prijedlog izmjene Zakona o šumama uputi Vladi BPK Goražde, koja bi u konačnici uputila prijedlog Skupštini BPK Goražde.

